



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

**Name of School** : TSEUNG KWAN O GOVERNMENT SECONDARY SCHOOL

**學校名稱** : 將軍澳官立中學

**Name of Play 劇名** : 愛「phone」了

**Script writer 劇作者** : 潘寶華 (老師)

**Synopsis 故事大綱 :**

「人與人最遠的距離，莫過於你在我身旁，而你卻在玩手機」，科技或許令生活質素有所提升，但對人的關係是緊密還是疏離？就讓我校同學將現實畫面搬上舞台，讓那面貌讓那感覺由各位判斷。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一幕：

(爺、嫲在家中 Sofa，嫲嫲看電視)

爺：伯爺婆、伯爺婆，你睇下我搵到 D 咩？

嫲：你係都要阻住我睇人魚傳說嘅，有咩好睇得過李敏鎬呀？

爺：你睇(爺遞上照片)

嫲：(望久)哈.....金秀賢？

爺：你煲韓劇煲到傻佐啦。(擺相中相同姿勢)

嫲：你估我真係老懵佐呀，我嘅初戀情人足球健將兼好老公，神射手高佬泉，你化佐灰我都認得妳啦。

爺：果時真係好有型呀可？不過我宜家都唔差呀。我仲搵翻我寫俾你果 300 封情信，估唔到你咁癡情

(甜笑)

嫲：上次水浸浸到霉霉爛爛，我話掉佐佢咯，我都嫁佐你 50 年咯，成個人都喺度啦，係你話唔準掉，

呢 d 情懷呢個年代絕跡架啦，之後放落床下底。

爺：梗系唔準掉啦，果時個個話我文武雙全，寫得一手好字，又踢得又寫得，迷倒幾多無知少女呀。

嫲：係呀係呀，我就係咁俾你呃返黎。咁你 d 字又係幾靚嘅，我呀媽都話你 d 字充滿秀氣，同個樣一 d

都唔襯。

爺：果時呀，孀仔強都叫我幫佢寫信追呀珠珠嘅(打開其中一封)你睇下呢度，「那次能夠跟你一起共嘗  
仔條手牽手，在清水灣看日落實在是我畢生難忘的回憶，只要能跟你一起，苦瓜爺變冰糖，毒藥也變  
仙丹」。

嫲：果時你次次寫三大張紙，我每個星期就等你嘅信，日日睇信箱，一睇到信封係你 d 字嘅，就即刻喺街  
度拆。

爺：果份期待反而令到我地更想念更緊密，點似得宜家 d 後生子女，訊息來訊息佢，覆遲陣就諸多猜疑，  
點及得我一字一句綿綿情話。

嫲：咸封年前嘅事啦，講講下有 d 口渴添，Julia 斟杯水我飲下啦。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

爺：呢個 **Julia** 成日都唔應人，梗系又掛住篤手機。

嫲：**Julia** 我想要水呀。

**J**：(哭著臉) 嫲嫲，茶呀！

爺：你又做乜心神恍惚呀，嫲嫲要水呀。

**Julia**：對唔住對唔住，我宜家佢斟過。

嫲：你再俾太太知你掛住篤手機唔應人，又做錯嘢，佢實鬧死你。

爺：鬧?炒都有你份呀，你呢排唔係打爛嘢，就糖當鹽，醋當茄汁。

**Julia**：唔好呀爺爺嫲嫲，唔好話俾阿 **Mom** 同阿 **Sir** 知呀，我頭家已經無啦，我唔可以無佐份工架。

嫲：咩頭家無呀！你上次話你老公可能有第個女人，係真架？

**Julia**：係呀！我平時約定星期日上午同佢視像通話，果日唸住佢生日打俾佢，見到個女人撲上前攬住佢錫  
佐佢一啖，佢咩都認曬啦。

爺：男人邊信得過架。(嫲作勢打爺)

嫲：**Julia** 唔好傷心，成頭家不鬻都係你頂曬架，佢到時無錢睇下個女人仲癡唔癡埋去，唔好理果 **d** 臭男人，俾心機做嘢。

(**Julia** 電話訊息響)

爺：快 **d** 睇下，可能係個臭男人「**in**」返你呀。

**J**：阿 **Sir** 話廁所無廁紙呀(去取廁紙)

爺：真係唔慌唔臭啦(笑)

嫲：阿成係屋企咩？

成：**Julia** 呀！你成日淨係篤手機，廁所無廁紙都唔知，好彩我有帶手機入去啫。

嫲：你哎出黎咪得囉。

成：**send** 個 **message** 問下先，**Julia** 你又睇手機(老婆你喺邊；喺屋企?)

**J**：太太搵我呀！佢話佢搵唔到條裙呀。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

珊：Julia 呀！你成日淨係睇手機，d 衫又亂又擺我咪話佐我今日著黑色果條裙囉（對住成）你喺屋企咩？

嫲：人地以為你 d 仔女本事，買間幾千尺嘅屋俾我住。

成：你兩個女返黎未呀，我買佐飛同你睇 9 點半呀。

J：(message 聲) 大小姐話唔見佐個銀包，叫我幫佢入房搵下。

C：爺爺嫲嫲呀，有無見我個銀包呀？

珊：個女咪喺屋企囉。

爺：唔係幾千尺，係成萬尺。

C：好彩搵返，係 Ricky 送俾我架，唔可以唔見架,(影相)話俾佢聽搵返現。

：你個妹呢？補習未返呀！Daddy 媽咪趕住睇戲呀。

C：我叫佢出黎食飯呀！

J：妹妹叫你地食先，佢話搵唔到對襪。

(爺、嫲、成、珊)：佢係屋企咩？

M：Julia 呀！你淨係掛住篤手機，兩隻襪鴛鴦嘅。

嫲：其實我應該住緊複試單位。

成：齊人啦，快 d 開飯啦。

(爺、嫲：食飯啦)

爺：今晚 d 菜心幾靚啲 (全家篤手機)

嫲：丫 d 蛋都好滑呀 (C 對住手機甜笑)

爺：d 飯好硬呀！Julia 梗係落少佐水啦 (M 在打機)

嫲：星期日呢表姑姐話好耐無見，想約埋我地全家去飲茶啲。

爺：全家 牙 (著跡地)

嫲：係呀，全家呀！

爺：你個心抱唔知得唔得閒呢？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

嫲：佢可能要睇醫生呀！

爺：做咩睇醫生呀？

嫲：你見唔到佢隻手抽筋咩？

爺：咁唔知你個仔得唔得閒呢？

嫲：你見唔到佢買緊馬咩？可能中大錢唔會理 d 窮親戚啦

（爺夾菜予嫲安撫）（message 聲 4 聲）

J：大小姐話湯要紅蘿蔔，妹妹話要豉油，太太話要匙羹，阿 sir 話要多碗飯，啱曬啦可。

爺：佢地有講過話要咩？

J：佢地 send message 俾我嘛

珊：未行得呀！我飲埋碗湯先啦。

嫲：嚇死人咩，無啦啦叫

珊：唔好意思呀奶奶，佢頭先 send message 催我行呀

成：行啦行啦

M：我都出去啦，Tina 生日，我成日

C：我同 Ricky 去食糖水

嫲：無陰功囉，我住幾千呎又點，幾萬尺又或者複試又點，我 d 仔呀孫呀，啞架，我做錯乜嘢，d 子女呀  
孫呀，連手語都唔識。

爺：係咁架啦，佢地又佢地嘅，我地兩老

（音樂起，燈滅，第一幕完）



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第二幕 Party Room (Mandy、Joey 在佈置，Fion、Suki 在用電話)

M: Fion 呀，你地幫下手啦，Tina 就到啦

F: 你叫 Suki 啦，我睇緊韓劇 BCC 大獎頒獎禮呀，give 黎架，我要同其他後援會成員支持 Lazy Girls 呀，仲要即刻 comments 先至係忠實 fans 嘛。你同 Joey 搞掂佢咪得囉。

J: Suki 呀，你吹起 d 氣球未呀，你又玩緊 cooking ma ma，玩佐咁多年你唔厭架咩。

S: 你都唔知呀！真係 work 架，我媽都話我跟住個 game 試整果 d 芝士條係 OK 架。

M: 佢點止玩 cooking ma ma 呀，Candy Crush，Soda Crush，Jelly Crush 不停玩，玩完 Candy 到 Soda 又百 life 喎，Soda 都有曬 life，就到 Jelly 最後又到 Candy 有翻，臨訓同我 whatsapp 話玩曬 d life 就訓，11 點玩到 3 點都未訓。

F: 第二日返學咪由第一堂訓到第七堂囉，俾葉 Sir 叫醒仲流曬口水。

J: 咦！好肉酸呀！

M: 俾 Dennis 偷影 post 上 IG，仲要俾佢男神 Jimmy 見到

S: 唔好提拉，好唔好。

F: 同 Dennis 真係再無 friend 做呀。

S: 都唔係淨係果次，佢真係好克人憎架，成日影佐我最醜個樣 post 上網，仲要同人一起笑我，又話我扮有仙氣，其實係豬扒仲嘅豬扒。

M: 網上 d 人個個都係咁架啦，無洗負責啊嘛，認真你就輸啦。

J: 咁又唔系呀，睇唔到一件事，睇到真係訓唔著，好像鬧佢一餐，仲要系自己個 friend 喎。

F: 咁咪引起沒完沒了嘅罵戰囉，之後 A 同 B 反面，B 同 C 反面，無曬朋友，好似你同 Dennis 真係好可惜呀，你地由幼稚園就係好朋友。

S: 認得耐又點呀，少佢一個唔少，我大把 friend，你睇我 Facebook 有 1200 個 friend 呀。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

- M：果 d 都係 friend?你以為你睇個下佢地 d 生活相，你就參與過佢地嘅生活呀，佢地又無約你食飯？最多  
咪 like 下你張相，你生日喺你版面寫下 happy birthday。
- J：仲要係 facebook admin 提佢，唔提佢都唔記得。
- S：都唔系呀，我一 post 話唔開心，都有人安慰我，上次 Dolly 死佐，佢地都一句又一句 take care,RIP,都  
係撐我架。
- F：1200 個 friend 裡面有 10 個 care 你囉，有無人因為咁打俾你約你散心飲杯嘢傾下計呀，我就話面對面  
感覺先最真實，過黎玩層層疊啦。
- M：你就最中意層層疊呀，大富翁呀，蘋果棋
- F：好過淨係得隻手指郁呀，仲睇壞眼，我第時一定要做視光師或物理治療師，你第一個二個都要幫襯我  
(玩一陣層層疊)，Tina 入狀甚不快
- M：Tina 你咁遲架
- S：主角梗係最遲出場架啦
- J：你睇下我地佈置得幾靚
- F：你鬼有份，淨係睇片，全部都係我同 Mandy 攞架
- M：喺，唔話得啦掛，買佐你最中意嘅栗子蛋糕
- S：知 Mandy 係 Tina Best friend 啦，Tina post 咩 Mandy 都 like 爆
- T：唔敢當 (氣氛一轉)，我邊配有你 d 咁嘅朋友呀
- F：咩事呀，Tian 你有嘢唔開心呀，係呢 Brian 唔黎咩
- J：點可以無男主角架
- T：你地問 Mandy 囉
- M：(尷尬) 我點知呀
- T：Brian 話要同我分手呀
- S：分手？你地好地地咯，我日日都見到你喺 facebook 放閃，佢又送花，又送飾物。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

T：你唔知，你成日都同 Brian whatsapp 啦，你同佢打籃球班 friend 有個群組嘛，Brian 係咁講我似港女，班 friend 一直叫佢飛佐我丫嘛，你無幫口不突止，仲叫佢唔好就曬我丫嘛。

M：咁佢同你相處真係又問題丫嘛

T：你呢頭喺群組話叫佢唔好就曬我，同一時間係我地個群組叫我叫 Brian 唔好去打籃球陪我睇戲，係呀，我同佢相處有問題呀，問題就係你嚟

F：嘩，乜你見人講人話見鬼講鬼話架

M：咁你想睇「我的名字」，又就黎落畫，我地又陪唔到你，我先咁建議咋嘛。

T：我仲以為 Brian 咁有我心，知道我紀念日生日，d 咩節日咩節日鐘意 d 咩，原來你私底下同佢 whatsapp，將我 d 心意講曬俾佢知，你地一直瞞住我，喺我背後聯絡。上次我啱啱同你講完話仲 keep 住 ex d 禮物，佢即刻喺我屋企搵到，一定係你話佢知啦。

J：乜你咁架

M：我係有同佢講你想要咩禮物，佢話之前次次撞板，洗佐錢，你又唔鐘意。

J：講開又講，你上次好唔開心喺學校，用電話俾老師罰留堂，但又 send 個哈哈笑喺我地群組，做朋友都無真心說話講，難怪 Tian 撈你喎。

S：話時話，同你 whatsapp 你成日都係已讀不回，明明 online 又唔應人

F：咁講句公道話，whatsapp 無話要即刻覆，要即刻覆你做乜唔直接打電話？whatsapp 唔代表人地即時有時間或空間覆嘅

M：你信唔信都好，我每句說話都係為你同 Brian 好

F：都話 whatsapp d 語氣唔清唔楚架啦，好易有誤會架啦，上次 Suki 明明話味千拉麵咁難食有咩好食，但 Joey 就講佐一大堆有飯有麵又有餃子有燒餅，都易有誤會啦。

S：Tina 你又知得咁清楚 Mandy 同 Brian d 對話內容嘅，哦！你 check Brian 部手機。

M：你地之間嘅相處咁多猜疑，佢 send 個 message 你又懷疑佢又第三者，宜家仲侵犯他人私隱

J：就係咁，Brian 知你攞佢手機同你鬧交，話要同你分手，咁我都頂你唔順啦





**IMPORTANT NOTE** 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

S：算啦，你之後喺 facebook 咪文青上身，又可以宣告單身，又有大把兵啦

T：總之我一定係 facebook 講，我同 Brian 嘅分手係因為 Mandy，你等住俾全世界人鬧啦。

（Tina 氣沖沖離開）



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第三幕 (Carmen 與 Ricky 食糖水)(Ricky 在玩手機)

Ricky：網上話呢度個蜜瓜西米芒果撈好正，試下嚟

C：我想試楊枝甘露得啦

R：唔該一個蜜瓜西米芒果撈同楊枝金露 (R 繼續打機)

C：Ricky，Simon 問我地下星期六去唔去行山，我地去唔去呀

R：(敷衍)，你話事啦

C：我醫院果度唔知要唔要翻夜，唔知佢地行到幾點？

R：你問下佢地嚟

C：(搵電話) 死啦，我無帶電話呀

R：你搵清楚啦，成日都話唔見電話心慌慌一輪又搵返，自己嚇自己

C：真係無呀！你打個電話俾我睇下有無？

R：我過埋呢關先啦，就得啦 (一邊打)

R：輸佐啦 (打俾 C)

C：打佐未啫

R：打佐啦，有無震呀

C：無啱，唉！真係無帶

R：咁你即係唔知係咪返夜，仲覆唔到 Simon 啦

C：係囉，無佐個電話咩都唔知，咩都做唔到嚟 (糖水送上) Ricky 開始打機、Carmen 無聊左望右望

C：你唔好掛住打機得唔得呀

R：嘩！你平時咪又喺度煲劇，你連搭地鐵等巴士、餐廳等位全部都煲劇，我又有無叫你唔好煲丫

C：平時你打機，我無嘢做先煲之嘛，我宜家無電話，你陪我傾下計得唔得呀

R：喂，檯檯都係咁架啦，嘩！個蜜瓜西米芒果撈咁難食



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

C：都話 d 網評假架啦

(相對無言)(R 又取電話打機)

C：(超無聊)我有個建議，不如下星期六拍拖果日，我地 24 小時都唔用手机，你估得唔得

R:你唔得噏話

C：好，我地就接受挑戰，聽日唔準帶電話，12 點寶林地鐵站等

R：好啊！驚你啊！

C：今餐你請！

R：喂！等埋啊！



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第四幕（寶林站，後幕顯示）

R：你咁遲架，又唔打得俾你，又唔知你去到邊？又唔知你係遲起身定時間唔啱定地點唔啱，急死我啦。

C：平時我都例遲架啦，駛乜咁急喎。

R：係你話唔帶得手機架嘛，我平時等你可以打機，宜家越等越急，擔心你有意外。

C：算你幾緊張我啦

R：你今日想去邊呀

C：等我做導遊啦，行啦

（沿途不斷說話，用相機拍照，後面屏幕展示不同遊覽景點，身邊人不斷篤篤篤，有人不小心跌倒，C、R扶起，沿途以圓圈表示不同地方，大棠楓葉，摘士多啤梨、嗅嗅花香、看日落、去動物園，最後把相機相沖印成相集）



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第五幕：(家中) Carmen 歡天喜地回家

C：咦阿妹，做咩發牛竇，你睇下今日我同 Ricky 去佐幾多地方？有大棠楓葉呀！幾靚，平時我淨係網上睇到相，原來實景睇竇靚架，再滲透 d 陽光，暖笠笠，好好 feel，好浪漫呀。

M：嘩，曬相呀！我都唔知幾耐無曬過相啦

C：係呢！去到相鋪都唔識曬，試佐一陣先知

M：其實，實體相都幾好丫（拎起全家福）成日睇到，手機果 d 都唔乜機會擺返黎睇

C：係啦，細個 d 生日相啦，麻麻爺爺每年都迫我地影生日切蛋糕相，然後一張張喺後面寫日子，每年貼喺相簿，丫，係邊呢？（四圍找）

M：曬出黎係阻定 d，好過我丫，個電話跌佐落廁所咩相都無曬

C：做咩呀，仲為佐 Tina 件事唔開心呀！仲未好返？

M：吵到咁，佢同 Brian 又無得搵，佢一定當我係仇人，點會原諒我丫

C：家姐丫，人同人嘅關係真係好複雜，whatsapp 上面見到佢 online，覺得佢好近，好似就喺隔離，但佢又見到我 online，佢又唔搵我，我又唔 send message 俾佢，個感覺由朋友變佐陌路人。

M：人同人呢，唔太近唔太即時，個關係仲可以有 d 空間，有空間有距離可能仲靚，仲睇到對方嘅好。

C：都啱嘅，咩都即時實時，其實都唔知諗清楚未，有時衝口而出，都無時間思考，撞板

M：物件可以有距離（放兩隻杯子）要拉近唔難，但人同人的距離唔係話拉就拉，要花時間建立先可以拉近。

C：我知，唔係你一個訊息我一個訊息，又或者你 like 下我，我 like 下你就得

M：你覺唔覺呢有時之前一晚喺 facebook 互俾 comments 俾佐 like，跟住第二日同個人見面，之前一晚 d 嘢好似無發生過咁呀

C：係呀！好似之前一晚發生嘅嘢係我幻想出黎咁

M：我同 Tina 嘅距離只係因為一次爭執就變得無限遙遠，宜家見到面好陌生，好似多年的友情都係假嘅咁



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

C：你無撚佢喺網上面同人講你咩？其實佢地鬧佐你成個星期啦喎

M：最初真係好撚架，但之後我決定唔睇唔理，越睇只會越唔開心，之後慢慢就唔想，個人都平靜佐，聽  
Fion 講，我唔回應無反應，d 說話都停佐，無人再提

C：雖然話 Tina 火遮眼，但佢只係喺網上面不停發洩，言多必敗，人地更見到佢尖酸刻薄，佢都唔會有人  
想通佢交往啦

M：咦！你仲有去摘士多啤梨呀，好看好新鮮喎

C：係呀！你聞下好甜幾紅？之前呢！咩都相機食先相機拍先，跟住即刻上 facebook，其實個專注淨係放  
喺網上，有時個觸感嗅覺都遺忘佐

M：有時仲有機會忽略佐身邊有需要嘅人同事，好似我個手機爛佐，先發現嫻嫻個膝頭已經痛佐兩個月，  
我地都唔知。

C：係咩，一陣睇下，駛唔駛同佢睇醫生先，我今日同 Ricky 過佐個無手機嘅拍拖日，淨係兩個人嘅相處，  
講下工作呀！講下見到身邊事物嘅睇法呀！講下笑又講下將來，個感覺近佐好多，唔係大家掛住打機  
煲劇

爺：咦，返佐黎呀

嫻：兩姐妹咁多嘢傾

C：嫻嫻，阿妹話你隻腳痛，仲有無事呀

嫻：唏！老人病風濕發作啫，食粒止痛藥就好返啦

M：你地有唔舒服記得同我地講呀，我地帶你地去睇醫生呀

爺：兩個孫幾乖（對住嫻說）

珊：老爺奶奶食得飯啦（從門入）阿妹叫 Daddy 出黎啦

M：哦

爺：唔係 whatsapp 咩

珊：屋企個 WiFi 壞佐嗎？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

成：返黎啦老婆，好肚餓呀，食啦食啦（全部埋位）

嫵：家嫂真係細心，知我鐘意食豆腐就買紅燒豆腐，老爺鐘意中式牛柳又買俾佢食

嫵：星期日表姑姐話約我地飲茶，你地邊個有時間去呀！

珊：好呀！好耐無見佢啦去北海啦，d 蝦餃好靚架

C：好呀！我去搵位啦，你地慢慢有位先黎

M：我陪你搵丫家姐

成：Julia 返佐去一個禮拜啦 wor，有無消息呀

珊：佢淨係話要三口六面同個老公講清楚，佢要照顧返 d 子女，之後同老公離婚喎

嫵：咁當面講，好過喺電話講得唔請唔楚

爺：d 臭男人唔底爭，個老婆為頭家離鄉別井，仲要咁樣傷佢心

M：其實 Julia 平時真係好忙架，我洗佐 3 日衫，都將 d 衫放錯曬

C：搵張廁紙都唔方便

J：太太，屋企無佐 WiFi 咩

（全劇終）